



Universitätsbibliothek Paderborn

**Theologia Moralis Universa, Complectens Omnia Morum
Præcepta, Et Principia Decisionis Omnium Conscientiæ
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus De Virtutibus Moralibus, De Justitia Et Jure Et De
Contractibus

Antoine, Paul-Gabriel

Ingolstadii, MDCCXXXIII.

VD18 90392159

Q. 4. Quomodo acquiritur Dominium animalium?

urn:nbn:de:hbz:466:1-40993

Dominium civitatibus, Ecclesiis, aliisque similibus piis locis ob speciale privilegium.

Q. 4. Quomodo acquiritur Dominium animalium?

Resp. I. Animalia ex sua natura mansueta, & domestica, ut oves, equi, gallinæ, anseres, boves, &c. Quantumvis aberrent, & fugiant, semper remanent prioris Domini, nec sunt occupantis. *Ita omnes. ex institut. de rer. divis.* ubi dicitur furati, qui hæc animalia detinet, cum effugiunt; nam hæc etiamsi fugerint, non assequuntur naturalem libertatem, cum naturali sua indole sint domestica: ac proinde remanent prioris Domini. *Quare non licet ea capere, vel detinere, nec eorum pelles, si extincta sint.* Idem dic de animalibus ex natura sua feris, vel sylvestribus, ut sunt cervi, lepores, &c. *Quæ ejus, à quo capta sunt, custodiâ, seu loco concluso coercentur;* vel quæ usu mansuetæ habent consuetudinem redeundi ex libera vagatione in potestatem Domini, ut columbæ, cuniculi, accipitres, cervi cicurati, &c. Nam tamdiu carent naturali libertate. Animalia autem, quamdiu carent libertate naturali, habent Dominum, & sic non sunt occupantis. Deinde tales feræ non minus possidentur à dominis, quam aliae domesticæ. Hinc non licet capere pisces ex vivario alterius, nec cuniculos; aut columbas pascentes in agro tuo occidere; quam-

quamvis possis abigere; nec eas illecebris, aut fraude in tuum columbarium traducero: alioquin teneris restituere, cum habeant Dominum, qui habet ius, ne ex eius dominio extra-hantur, vel occiduntur. Nec obstat quod cuniculi, & columbae damnum privatis afferant, nam cum sint Reip. utilles, privati debent illud pati propter bonum publicum, & tale onus censetur a Rep. illis imponi hoc ipso, quod ex privilegio, vel consuetudine concedit columbarium erigi, vel garenam institui.

Si vero eiusmodi animalia redeundi consuetudinem amittant, censentur recuperasse naturalem libertatem, & sic sunt primo occupantis; nam iam nullius sunt, & iam in ordine ad priorem Dominum perinde se habent, ac si nunquam capta fuissent, ut avis, quae ex cavea in liberam aream evasit, vel pisces, qui a tuo vivario in fluvium transit. *ex Instit. de rer. divis.* Hinc tibi licet retinere columbas, quae sponte, non attractae, se sociaverunt tuis columbis, & ad proprium columbarium redire desierunt. Examen vero apum quamvis avolet ex alveario tuo, tamdiu tuom manet, quamdiu in tuo conspectu versatur, nec difficilis est eius prosecutio. *Instit. de rer. divis.* Quod si difficile sit illud sequi, & recuperare, potest a quovis capi.

Resp. II. Animalia fera, & sylvestria, si antea nullius fuerint, vel quae aliquando alicuius fuerint, sed jam naturalem libertatem recuperarunt.

Tom. II.

E

runt.

runt, fiunt primò occupantis, *Inst. de rer. divis.*
 & l. 3. ff. *de acquir. rer. dom.* Quia, cùm natu-
 rali libertate gaudeant, nullius sunt: quæ au-
 tem nullius sunt, fiunt primò occupantis, nisi
 lex specialis, vel consuetudo obstet.

Sed, cujus est fera læsa, vel laqueo capta?

Resp. Si feram læsisti, quantum satis est ad
 capiendum, & læsam insequeris cum certitu-
 dine morali eam capiendi, est tua. Tunc enim
 censetur amisisse naturalem libertatem per
 vulnus inflictum, & à te quasi capta: unde si
 alius eam ceperit, tenetur tibi restituere. Item
 si fera laqueo tuo ita capta sit, ut non sit eva-
 sura, est tua: unde non potest ab alio capi, sicut
 nec piscis per tuum rete captus; nam ei ade-
 misti libertatem, & per instrumentum tuum
 occupasti: possumus enim, sicut manibus,
 ita & instrumentis rem apprehendere, & in
 potestatem nostram redigere. Quòd si fera
 erat facile evasura, est primò occupantis;
 quia nondum amisit libertatem, ex *Inst. de*
rer. divis.

Q. 5. Cujus est thesaurus?

Resp. Jure naturali, & gentium totus est in-
 ventoris: nam quæ nullius sunt, fiunt Jure na-
 turali & gentium primi occupantis. Thesau-
 rus autem nullum habet Dominum, nam de-
 finitur in Jure, *vetus quædam depositio pecuniae,*
cujus non extat memoria, ut jam Dominum non
habeat.